



Sancti Gregorii Papæ Primi Cognomento Magni Opera

In Tres Tomos Distributa. Ex quamplurimis MSS. Codicibus emendata ;
Additæ Sunt Quædam Notæ in Dialogos & Epistolas ejusdem S. Gregorii

Gregor <I., Papst>

Lutetia Parisiorum, 1675

Homilia I.

[urn:nbn:de:hbz:466:1-74915](#)



S. GREGORII PAPÆ. IN EZECHIELEM PROPHETAM HOMILIARVM LIBRI II.

PRÆFATIO.

*Dilectissimo fratri, Mariniano Episcopo, Gregorius Episcopus
servus servorum Dei.*



OMILIAS, quæ in beatum Ezechielem prophetam, ut coram populo loquebar, exceptæ sunt, multis curis irruentibus in abolitione reliqueram. Sed post annos octo, potentibus fratribus, notariorum schedas requirere studui, easque favente Domino transcurrentes, inquantum ab angustiis tribulationum licuit emendavi. Tua itaque dilectio has sibi ad legendum mitti poposcerat: sed valde incongruum credidi, ut aquam despicabilem hauriret, quem constat de beatorum Patrum Ambrosij atque Augustini torrentibus profunda ac perspicua fluenta assidue bibere. Sed rursum dum cogito quod sœpe inter quotidianas delicias etiam viliores cibi suaviter sapiunt, transmisæ minima, legenti potiora; ut dum cibus grossior velut pro fastidio sumitur, ad subtiliores epulas avidius redeatur.

IN EZECHIELEM PROPHETAM
LIBER PRIMVS.

HOMILIA I.

DEx omnipotentis aspiratione de Ezechiele propheta locuturus, prius debo temporâ & modos aperire prophetia; ut dum accessus ejus ostenditur, virtus mea cognoscatur. Prophetia tempora tria sunt, scilicet præteritum, præsens, & futurum. Sed sciendum est, quod in duobus temporibus prophetia etymologiam perdit. Quia cum ideo prophetia dicta sit quod futura prædicat, quando de præterito vel præsenti loquitur, rationem sui nominis amittit, quoniam non prodit quod venturum est, sed vel ea memorat quæ transacta sunt, vel ea quæ sunt. Quæ tamen tria prophetia tempora verius loquimur, si ex sacre scripture testimonius ostendamus. Prophetia de futuro est: *Ecce virgo concipiet, & pariet filium.* Prophetia de præterito: *In principio creavit Deus calum & terram.* De illo enim tempore dixit homo, quo non erat homo. Prophetia de præsenti est, quando Paulus Apostolus dicit: *Si autem omnes prophetant, intret autem quis*

*Isaï. 7. 10.
Gen. 1. 4.*

I. Cor. 14.

S. Greg. Tom. I.

A infidelis vel idiota, convincitur ab omnibus, dijudicatur ab omnibus: occulta enim cordis ejus manifesta sunt, & ita cadens in faciem adorabit Deum pronuncians quid vere Deus in vobis sit. Cum igitur dicatur: *Occulta cordis ejus manifesta sunt*, profectò monstratur quia per hunc modum prophetæ spiritus non prædictit quod futurum est, sed ostendit quod est. Quo autem pacto prophetæ dicatur spiritus qui nihil futurum indicat, sed præsens narrat: *Quia in re animadvertisendum est, quod rectè prophetia dicitur, non quia prædictit ventura, sed quia prodit occulta.* Rem quippe quamlibet sicut ab oculis nostris in futuro subtrahunt tempora, ita ab oculis nostris in præsenti subtrahit causa. Ventura etenim res occultatur in futuro tempore, præsens autem cogitatio absconditur in latenti corde. Est etiam prophetia præseps, cum res qualibet non per animum, sed per ablentem locum tegitur, quæ tamen per spiritum denudatur. Et ibi fit præsens prophetantis animus, ubi per præsentiam non est corpus. Nam Giezi longè à Prophetâ recesserat, cum Naaman Syri munera percipiebat, cui tamen idem Prophetâ dicit: *Nonne cor meum in præsenti erat, 4. Reg. 5. 8.* quando reversus est homo de cursu suo in occursum tibi? Sciendum quoque est, quia prophetæ tem-

Cccc

ra invicem sibi concinunt ad probationem, ut ali- A quando ex futuris præterita, aliquando verò ex præteritis probentur futura. Dixerat enim Moyses: *In principio creavit Deus celum & terram.* Sed quis cederet quia verum de præterito diceret, si de fu- turo etiam aliquid non dixisset? Ita ipsius etiam libri fine, in cuius exordio illa de præterito dixerat, ali- quid prophetia per Jacob vocem de venturis per- misit, dicens: *Non auferetur scepterum de Iuda, & dux de femoribus ejus, donec veniat qui mittendus est. & ipse erit expectatio gentium.* Qui etiam per semetipsum eundem qui mittendus erat, ei quem ducebat populo prophetavit, dicens: *Prophetam suscitabit vobis Dominus Deus vester de fratribus ve- stris, tanquam me: ipsum audiatis. Erit autem, qui- cumque non audierit prophetam illum, exterminabitus de populo suo.* Cur ergo præteritis ventura permisit, nisi ut dum implerentur ea quae de futuro prædiceret, ostenderet etiam quia de præterito vera di- xisset? Quia itaque docuimus qualiter ex futuro- rum prophetia probentur præterita, restat nunc ut adhuc de factis eloquii ostendamus, quo modo in ipso prophetiae spiritu ex præteritis probentur futu- ra. Certè Rex Babylonicus cùm somnium vidisset, misit ad magos & ariolos, omnesque sapientes Ba- bylonia convocavit, nec ab eis solummodo inter- pretationem somnij, sed etiam somnium quaesivit: ut nimurum ex præterito colligeret, si quid in eorum responsonibus de venturo certum teneret. Qui cùm dicere nulla potuissent, Daniel deducens ad medium est: qui de interpretatione somnij, & de narratione requisitus, non solum hoc respondit quod interro- gatus est, sed ipsam somnij originem replicavit, di- cens: *Tu Rex capisti cogitare in stratu tuo quid esset futurum post hac.* Et paulò pòst: *Tu Rex videbas, & ecce quasi staua una grandis, & cetera.* Cujus videlicet somnij mos ut ordinem dixit, quidquid ex eodem venturum sequebatur aperuit. Pensemus ergo ordinem prophetie. A cognitionibus venit ad somnium, à somnio pervenit ad futura. Qui ergo ipsam, ut ita dicam, radicem somnij protulit, pro- fectò ex præteritis probavit, * quòd vera essent quae de futuris dicebantur. Propheta autem præsentis tem- poris nec præteriti attestatione indiget, nec futuri: quia cùm res occulta per prophetia verba detegi- tur, veritati illius res ipsa quæ ostenditur, attestatur. Igitur quia de temporibus prophetie tractavimus, restat ut de modis ejus ac qualitatibus aliqua disser- mus. Spiritus quippe prophetie nec semper, nec eo- dem modo propheti animum tangit. Aliquando enim spiritus prophetie ex præsenti tangit animum prophetantis, & ex futuro nequam tangit: ali- quando ex futuro tangit, & ex præsenti non tangit. Aliquando verò ex præsenti & ex futuro tangit: ali- quando autem ex præterito, & ex præsenti, atque ex futuro pariter tangit animus prophetantis. Ali- quando tangit ex præterito prophetie spiritus, nec tangit ex futuro: aliquando autem tangit ex futuro, nec tangit ex præterito. Aliquando verò in præsen- ti ex parte tangit, & ex parte non tangit: aliquando in futuro ex parte tangit, & ex parte non tangit. Sed hæc ipsa, si possumus, eo ordine quo præmissa sunt, facie scripturæ testimoniis ostendamus. Ex præsen- ti enim prophetie spiritus prophetantis animum tangit, atque ex futuro non tangit, sicut Joannes Baptista venientem Dominum videns, ait: *Ecce Agnus Dei, ecce qui tollit peccata mundi.* Sed cùm jam moriturus esset, missis discipulis requirebat, dicens: *Tu es qui venturus es, an alium expecta- mus?* In quibus verbis ostenditur, quia in terris quidem venisse Redemptorem noverat, sed an per semetipsum ad aperienda inferni claustra descende- ret, dubitabat. Ex præsenti ergo per prophetia spi- ritum tactus fuerat, qui humanitatem mediatori

*Gen. 1. a**Gen. 49. b**Dent. 18. c**Dan. 2. c**Ibid.**Ibid.*

* quam

*Ioan. 1. a**Matt. 11.*

videns, & divinitatem ejus intelligens, confiteba- tur Agnum qui peccata mundi tolleret: sed tactus ex futuro non fuerat, quia adventum illius in infer- num nesciebat. Aliquando verò prophetia spiritus animum prophetans ex futuro tangit, atque ex præsenti non tangit, sicut aperte libri Genesios hi- storia testatur, cùm Isaac Elai filium suum ad ve- nandum misit, cui minorum filium Rebbecca ad be- nedicendum supposuit, qui hædonis pellibus indu- tus paterno palpatui corpus fraternalm fixit. Cui ille minori filio tanquam majori benedictionem dedit, queque ei essent longè futura nunciavit: sed quis esset qui eoram se adulteret, scire non potuit. Prophetia ergo spiritus ex futuro animum prophete- tantis tetigit, atque ex præsenti non tetigit, quando caligantibus oculis pater & ventura prædicebat, & præsente filium nesciebat. Aliquando prophetan- sis animus ex præsenti pariter & ex futuro tangit: quod ex eodem libro Genesios liquidò docemur. In illo quippe scriptum est, quia cùm ad vitam jam ter- minum propinquaret Jacob, ei duos filios suos Joseph fecit afflisteret, ut ex benedictione illius possent longè pòst futura promereri: cui majorem ad dex- teram, minorum verò posuit ad sinistram. Cumque ille oculis senectute caligantibus, nepotes suos quis prior, quive esset minor, humano visu discernere nequam posset, ductis in obliquum brachiis, dexteram manum minori, sinistram majori impo- fuit. Quod dum corrigeret filius vellet, dicens: *Non ita convenit pater, quia hic est primogenitus; audi- vit: Scio filii mihi, scio: & iste quidem erit in populus,* & multiplicabitur, sed frater ejus junior major illo erit. Prophetia ergo spiritus ex præsenti pariter & ex futuro prophetantis animum tetigit, dum Jacob & ventura nunciabat, & eos quos corporeis oculis vide non poterat, ante se positos per spiritum dis- cernebat. Sic Ahia prophetæ animum prophetie spiritus ex præsenti atque ex futuro tetigerat, cùm caligantibus oculis, eam quæ se esse aliam simula- bat, & uxorem Hieroboam esse cognovit, & quid- quid ei futurum esset, aperuit, dicens: *Ingredere uxor Hieroboam, quare aliam te esse simulas?* Reg. 14. b Ego autem misfus sum ad te durus nuntius. Vade & dic Hieroboam: *Hec dicit Dominus Deus Israel: Quia operatus es mala super omnes qui fuerunt ante te, & fecisti tibi deos alienos & conflatiles, ut me ad iracun- diam provocares, me autem projecisti post corpus tuum: idcirco ego inducam mala super dominum Hieroboam.* Ex præsenti ergo atque ex futuro pariter prophetan- sis animus tactus fuerat, qui & ingredientem deprehendere potuit, & ei ventura nunciare. Ali- quando autem ex præterito & ex præsenti, atque ex futuro pariter animus tangitur prophetantis, sicut Elizabeth venire ad se Mariam conspiciens, quia incarnatum Verbum gestarer in utero agnovit, camque jam Domini sui matrem vocavit, dicens: *Vnde hoc mihi, ut venias mater Domini mei ad me?* Luc. 1. d De cuius conceptione per Angelum quoque ad Joseph dicitur: *Quod enim in ea natum est, de Spiritu sancto est.* Quæ videlicet Elizabeth dixit: *Beata qua credidisti, quoniam perficiuntur ea quæ dicta sunt tibi à Domino.* Dicens enim: *Beata qua credidisti;* Luc. 1. e aperte indicat, quia verba Angeli quæ dicta ad Mariam fuerant, per spiritum agnovit: atque sub- jungens: *Perficiuntur ea quæ dicta sunt tibi à Do- no, quæ eam etiam in futuro sequerentur, prævidit.* Simil ergo de præterito & præsenti, atque ex futuro per prophetie spiritum tacta est, quæ & eam pro- missionibus Angeli credidisse cognovit, & matrem nominans, quia Redemptorem humani generis in utero portaret intellexit; & cùm omnia perfici- da prædicaret, quid etiam de futuro sequeretur al- pexit. Aliquando verò prophetie spiritus ex præte- rito tangit animum, nec tangit ex futuro, sicut in

*Gen. 27. c**Gen. 48. c*

1141

Apostolo aperit ostenditur, qui discipulis dicit: *Norma vobis facio fratres Evangelium, quod evangelizatum est a me. quia non est secundum hominem: neque enim ego ab homine acceperim illud, neque didici, sed per revelationem Iesu Christi.* Unde alius quoque discipulus dicit: *Secundum revelationem notum factum est mihi sacramentum.* Qui tamen hoc ipsum Evangelium quod per revelationem cognoverat, cum Hierosolymam predicatorum ascenderet, ait: *Ecce ego alligatus spiritu uero in Hierusalem, que in ea ventura sunt mihi ignorans.* Hoc quippe Evangelij sacramentum est, quia Unigenitus Patris incarnatus aque perfectus homo factus est, qui crucifixus, mortuus, & sepultus die tercia surrexit; die quoque quadragesima ascendit in celum, atque in dextera Patris sedet. Qui ergo per revelationem Evangelium agnoscit, prophetie spiritu de praeterito tactus est; sed quia quid pro eodem Evangelio passurus esset ignoravit, de futuro proculdubio tactus non est. Nam sic dicit: *Nisi quod Spiritus sanctus per omnes civitates protelstatur mihi, dicens: Quoniam vincula & tribulationes Hierosolymis me manent: aperte offendens, quia ea que ipsi futura essent, aliis de ipso revelata erant, non autem ipsi de se, sicut de illo per Agabum dicitur: Virum, cuius haec zona est, ita alligari oportet in Hierusalem.* Aliquando autem prophete spiritus tangit ex futuro, nec tangit ex praeterito; sicut de Elisei facto scriptum est, quia cum unus ex filiis prophetarum materiam succideret, huic ferrum securus in aquam secidit, qui exclamavit: *Heu heu Domine mihi, & hoc ipsum misero acceparam.* Dixit autem homo Dei: *Vbi secidit?* At ille monstravit ei locum. Pracedit ergo lignum, & misit illuc, natu rati que ferrum. In quo videlicet Prophetae facte cognovit, quia qui requirit ubi seciderat, quid esset facturus noverat: sed tamen cum requirit, constat quia ubi ferrum secidisset ignorabat. Prophetae ergo spiritus Elisei mentem ex futuro tetigerat, sed ex praeterito non tangebat, qui & ferrum in profundis demersum, quia revocaturus esset ad superficiem, scire potuit; sed ubi seciderat, omnino nescivit. Aliquando vero propheta spiritus in praesenti ex parte tangit, & ex parte non tangit. Quod Petri Apostoli historia testatur, cum missi ad eum a Cornelio milites, ei sunt per spiritum nunciati: scriptum quippe est: *Et dixit spiritus ei: Ecce viri tres querunt te. Ad quos ille descendit, & requirens dixit: Quia causa est proper quam venisti!* In cujus verbis ostenditur, quia eamdem causam per spiritum non audierat, quam a militibus requirebat. In praesenti ergo mentem Petri spiritus ex parte tetigerat, & ex parte non tetigerat, qui & adesse milites dixit, & pro qua causa venerant, tacuit. Aliquando spiritus prophetae in futuro ex parte tangit, & ex parte non tangit; sicut prophetarum filii de auferendo Elia ad Eliseum dicunt: *Nunquid nos hi, quia hodie Dominus tollat dominum tuum a te?* Quo tamen ablato, sese per diversa dispergunt, cumque in rupibus & vallibus querunt. In futuro ergo corum mentem prophetae spiritus ex parte tetigerat, & ex parte non tangebat, quando cum, quem tollendum noverant, non inventandum quererent. Ex parte itaque tacti sunt, atque ex parte non tacti; quia & sciabant quod tolli posset, & nesciebant quod inveniri non posset. Idem quoque Eliseus per prophetae spiritum de futuro ex parte tactus est, & ex parte non tactus, cum Regi Israel diceret: *Percute jaculo terram.* Et cum percussisset tribus vicibus, & scissem, iratus est contra eum vir Dei, & ait: *Si percussisses quinque, aut sexies, sive septies, percussisses Syriam usque ad consumptionem: nunc autem tribus vicibus percutes eam.* Qui itaque noverat, quia toties percuteret Syriam, quoties percussisset terram;

S. Greg. Tom. I.

A sed cum ei diceret, *Percute terram;* quoties eam percussurus esset ignorabat, quippe quia & indigatus est terram tertio cuiuscumque percussam; profecto constat quia de futuro ex parte tactus fuerat, & ex parte non tactus, qui Syriam percuti predixit, sed terram amplius percuti voluit. Sic Samuel cum ad ungendum David a Domino mitetur, respondit: *Quo modo vadam? Audiet enim Saul, & interfici me.* Qui & David unxit, nec tamen a Saile occisus est. Ex parte ergo de futuro tactus prophetæ animus fuerat, & ex parte non tactus, qui & ungendum David in regno noverat, & quia a Saile non esset occidendum ignorabat. Sciendum quoque est, quod prophetæ quidam è proximo tanguntur, atque è longinquu quo minime tanguntur: alij verò è longinquu, & non tanguntur à proximo: alij autem & è longinquu, & è proximo, prophetæ spiritu tanguntur. Nam quidam tanguntur è proximo, & non è longinquu, sicut Samuel perisse asinas noverat; *casque inventas esse nunciavit, & Saile Regem futurum prædictis: David quoque quia in ejus regno succederet, nunciat; sed quia patet Regis aeterni futurus sit, non prædictis. Quidam vero tanguntur è longinquu, & non tanguntur è proximo, sicut idem David incarnandum Dei Unigenitum noverat, de Judaea dicens: Homo factus est in ea, psal. 86. & ipse fundavit eam Altissimus.* Atque hinc ad celos ascensurum, & ad Patris dexteram lessurum intelligit, dicens: *Dixit Dominus Domino meo, psal. 109. sede a dextris meis.* Et tamen multa quæ è vicino acta sunt, minimè prævidit. Ut enim pauca de multis loquar, servum Miphlobeth Sibam contra suum dominum mentientem non intellexit; & Amasa promittens, dicit: *Hac faciat mihi Deus, & hac addat, si non magister militia fueris coram me omni tempore pro Joab:* videlicet quid sequeretur ignorans; quia Amasa idem non solum principatum militiae pro Joab non susciperet, sed etiam per Joab post paululum vitam finiter. Et cum templum Deo construere voluit, quid è vicino sequeretur nesciens, prophetam alterum recessivit. Quidam vero & è longinquu tanguntur, & è proximo; sicut Isaías longe post futura prænunciavit, dicens: *Ecce virgo concipiet, & pariet filium, & vocabitur nomen ejus Emmanuel.* De quo rursus ait: *Parvulus natus est nobis, & filius Isai. 7. e datus est nobis: & factus est principatus ejus super humerum ejus, & vocabitur nomen ejus, admirabilis, consiliarius, Deus, fortis, pater futuri saeculi, princeps pacis.* Multipliabitur ejus imperium, & pacis non erit finis. Qui etiam de Ezechia rego *Isai. 38. a prophetæ spiritu tactus est è vicino, quia cum de infirmitate sua surgere prædixit, & quot annis post infirmitatem viveret, nunciavit. Aliquando vero prophetæ spiritus prophetis deest, nec semper eorum mentibus praesto est, quatenus cum hunc non habent, & se hunc agnoscant ex dono habere cùm habent. Unde Elisaëus cùm flentem Samanitem mulierem a suis pedibus per Giezi puerum avelli prohibebat, dixit: *Dimitte illam,* *animam enim ejus in amaritudine est, & Dominus elaxavit a me, & non indicavit mihi.* Sic quoque *Isai. 2. b* cùm eum Jofaphat de futuris requireret, & prophetæ ei spiritus deesset, psalmem fecit applicari, ut prophetæ ad hunc spiritus per laudem psalmodie descenderet, atque ejus animum de venturis repleret. Vox enim psalmodia cùm per intentionem cordis agitur, per hanc omnipotenti Domino ad cor iter paratur, ut intentio menti vel prophetæ mysteria, vel compunctionis gratiam infundat. Unde scriptum est: *Sacrificium laudes ho- psal. 49. norificabit me, & illic iter est quo ostendam illi salutare Dei.* Quod enim Latinus salutare, hoc Hbraice Jesus dicitur. In sacrificio igitur laudis sit*

CCcc ij

Jesu iter ostensionis : quia dum per psalmiodiam compunctione effunditur , via nobis in corde fit , per quam ad Jesum in fine pervenitur , sicut ipse de sua ostensione loquitur , dicens : *Qui diligit me , diligetur a Patre meo : & ego diligam eum , & manifestabo ei meipsum.* Hinc quoque scriptum est : *Cantate Domino , psalmum dicite nomini ejus , iter facite ei qui ascendit super occasum . Dominus nomen est ei.* Ipse etenim super occasum ascensit , qui mortem resurgendo calcavit. Cui dum cantamus , iter facimus , ut ad nostrum cot veniat , & sui nos amoris gratia accendat. Quia autem prophetis propheticus spiritus non semper adebat , etiam vir Dei indicat , qui contra Samariam missus , mala quæ ei ventura erant , nunciavit : qui tamen prohibitus a Domino in via comedere , prophetæ falsa persuasione deceptus est : quem fallax sermo non deciperet , si prophetæ spiritum præsentem habuisset. Scindum quoque est , quod aliquando prophetæ sancti dum consuluntur , ex magno usu prophetandi quædam ex suo spiritu proferunt , & scilicet ex prophetæ spiritu dicere suspicuntur : sed quia sancti sunt , per sanctum Spiritum citius correcti , ab eo quæ vera sunt audiunt , & semetippos quia falsa dixerint , reprehendunt. Nathan enim prophetam sanctum virum fuisse quis nesciat? Qui David regem & de culpa aperte reprehendit , & quæ ei pro culpa eadem essent ventura nunciavit : quem tamen dum idem David quia templum Deo vellet construere , requisisset , illico respondit :

Omne quod est in corde tuo , vade & fac , quia Dominus tecum est. De quo illic statim subditur : *Fatuum est autem in nocte illa , & ecce sermo Domini ad Nathan , dicens : Vade & loquere ad servum meum David : Hec dicit Dominus Deus : Numquid tu adipiscabis mihi domum ad habitandum ? Neque enim habitat in domo ex die qua eduxi filios Israel de terra Aegypti usque in diem hanc. Et paucus post : Cum completi fuerint dies tui , & dormieris cum patribus tuis , suscitabo semen tuum post te , quod egredietur de utero tuo , & firmabo regnum eius : ipse edificabit domum nomini meo.* Ecce Nathan prophetæ , qui prius Regi dixerat : *Vade & fac ; ipse postmodum prophetæ spiritu edoctus , hoc fieri non posse denuncians , & Regis confusus & suis sermonibus contradixit : quia quod ex suo spiritu dixerat , falsum fuisse deprehendit.* Quia in re inter prophetæ veros ac falsos ista distinzione est : quia prophetæ veri si quid aliquando per suum spiritum dicunt , hoc ab auditorum mentibus per spiritum sanctum eruditæ citius corrugunt. Prophetæ autem falsi & falsa denunciant , & alieni à sancto Spiritu in sua falsitate perdurant. Consideratis igitur prophetæ temporibus & modis , intueri liber qualiter omnipotens Deus ad profectum hominum sua ira moderamina dispensat. Israëliticus quippe populus conditor suo deliquerat , & idcirco Regi Babylonio in captivitate serviebat ; cum quo tamen Ezechiel propheta in captivitatem mittitur , quem divina gratia ita sibi placabilem fecerat , ut per eum ventura quæque prædicteret , & afflitti populi mentem consolari dignaretur. Consideremus ergo , si possumus , quanta est dispensatio supernæ pietatis : quia sic iratus est populo suo Dominus , ut tamen omnimodo non irascatur. Nam si iratus non esset , in captivitatem populum minimè tradidisset ; & si omnimodo iratus esset , electos suos in captivitatem cum illo non mitteret. Sed agit hæc divina misericordia , ut ex una eademque re , ex qua carnalibus dat flagellum , ex ea spiritualibus virtutis præstet incrementum. Cumque illos per tribulationem purgat , istos ex societate tribulantium ad majora promenda excitat. Et sic injustis irascitur , ut tamen eorum corda per justorum consortium consoletur;

Isai. 14. c

Psal. 67.

3 Reg. 13.

2. Reg. 7. *

ibid.

ibid.

Ezecl. 3. d

A ne si omni modo deserat , nullus post culpas ad veniam redeat. Tenendo igitur repellit , & repellendore retinet , quando cum his quos dijudicat , simul in tribulationem mittit quos amat. *Quis ista tante pietatis viscera penitare sufficiat ?* *Quod & culpas populi Dominus sine vindicta non deserit , & tamen delinquenter populum à se funditus non repellit.* Sic cùm Moyses ad reprobationis terram exploratores duodecim misisset , ex quibus cùm decem postmodum desperationem populo facerent , idem populus in ira murmuratio accensus , seductum scilicet à Domino esse conquestus est , ut ejus cadaver jacerent in deserto. Cui omnipotens Deus irritus , dixit quod nullus eorum in terram reprobationis intraret. *Quo terrore compuncti , præve le egisse cognoverunt , se in lacrymis affligerunt , & accincti armis , protinus ceperunt contra hostes ascendere , ut reprobationis terram post lacrymas intrare potuissent.* Quibus per Moysen dominus dicit : *Dic eis , Nolite ascendere , neque pugnetis : non enim sum vobis secum ; ne cadatis coram inimicis vestris.* Quia in re penitendum est , si cum ipsis non erat , cur eos ne caderent , asecedere prohibebat. Si autem cum ipsis erat , quid est quod ait : *Non enim sum vobis secum ?* Sed mira dispensatio disciplinæ ac misericordia , & cùm ipsis erat , & cum ipsis non erat. Cum ipsis non erat ut vincent , sed tamen cum ipsis erat , ne ab hostibus perirent. O ineffabilia pietatis viscera ! Culpa inlequitur , & tamen peccantes protegit. Iratum se indicat , & tamen ab hostibus defendit. Sic plerumque parvilo filio delinquenti iracuita mater , reprehendit , increpat , verberat : sed si hunc in precepis ire confixerit , ubi in mortis periculū ruat , manum tendit & retrahit ; & quæ sic irata verberaverat ac si non diligenter , sic diligenter retinet , & ac si irata non verberasset. Hæc in folla præfatione , ne colloquentes , navigij nostri quasi intra portum exercitium fecimus , ut ad indaganda prophetæ mysteria , velut in imminestate pelagi , post vela pandamus. Quod tamen non in nostra virtute præsumimus , sed in eo qui linguis infantium facit dilectas : quia spiritus Domini replevit orbem terrarum , & hoc quod continet omnia , scientiam habet sapientiam vocis. Omnipotens enim Deus , sermo Patris omnipotentis est : & qui de illo loqui concupiscimus , muti in illo nullo modo erimus. Dabit verba utilia omnipotens Verbum , quod pro nobis incarnatum vivit & regnat cum Patre in unitate spiritus sancti Deus , per omnia sæcula sæculorum , Amen.

HOMILIA II.

Et factum est in trigesimo anno , in quarto , in quinta mensis , cum essem in medio captivorum juxta fluvium Chobar , aperti sunt cali , & vidi visiones Dei. In quinta mensis , ipse est annus quintus transmigrationis regis Ioaquin , factum est verbum Domini ad Ezechiel filium Buzi , sacerdotem in terra Chaldaeorum , secus flumen Chobar : & facta est super eum ibi manus Domini. Et vidi , & ecce ventus turbinis veniebat ab Aquilone , & nubes magna , & ignis involvens , & splendor in circuitu ejus : & de medio ejus quasi species electri , id est , de medio ignis. Et in medio ejus similitudo quatuor animalium : & hic asperatus corum , similitudo hominis in eis.

Vsus prophetæ locutionis est , ut prius personam , tempus , locumq; describat , & postmodum Cap. I. dicere mysteria prophetæ incipiat ; quatenus ad ve-